

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**D. Gebh. Theodori Meieri Theologi & Prof. in Academia  
Julia Antichiliasmus Absolutissimus**

**Meier, Gebhard Theodor**

**Helmstadii, 1696**

§. XLIV.

**urn:nbn:de:bsz:31-105465**

Etum, non potuit infringere D. Animadvertens, sed silentio prætermisit, eodem modo ut antecedens.

XLIII. Assertio vigesima quarta: Non igitur aliud regnum gloriæ pii possunt expectare, quam illud, quod in omnem æternitatem in domo Patris obtinebunt. Infertur hæc ex præcedentibus, siquidem regnum hoc statim post adventum Christi piis donabitur, ut ostensum est in proximâ thesi, durabit autem in omnem æternitatem, juxtâ assertionem vigesimam primam. Ante adventum vero Christi, regnum gloriæ piis nullum obtingit, sed perpetuis obiecti sunt illi calamitatibus, ut ostensum est in assertione decimâ: Nullum igitur poni potest tempus in quo alterum aliquod regnum gloriæ fideles possint adipisci.

XLIV. Atque ista ex ipsius fidei nostræ orthodoxæ, quam cum lacte materno imbibimus, Capitibus desumpta, & infallibilibus Scripturæ S. testimoniis evidenter comprobata, tantæ sunt certitudinis, ut & majores nostri hymnum illum de extremo judicio, in quo omnia quæ in præcedentibus prolixius deducta sunt, brevibus comprehenduntur, certitudinis suæ his de thesibus declarandæ gratiâ ita inceperint: *Es ist gewislich an der Zeit &c.* Hunc hymnum in Ecclesiis nostris toties decantatum & manifestis Scripturæ S. testimoniis innixum, merito tanti æstimare debemus, ut, si quid illi, ceu fidei nostræ ipsi adversum proferatur, contra illud totis viribus, cunctis veritatem amantibus strenue sit dimicandum.

XLV. Quod si autem cum hisce conferatur dogma chiliaisticum, tantum hic utique reperietur differentiæ, ut summo cum jure Summè Venerabilis Dominus Præceptor in suo Programmate antichiliaistico dixerit,

dixerit, nullum ferè articulum fidei esse, quem non labefacter Chiliasmus: *Ducamus*, pergit ibi, *Chiliasmum per fidei articulos, deprehendemus eum vel directè, vel indirectè esse detractionem, esse utraque* *ut verbo Apostoli utar, hoc est everfionem Evangelii.* Et in præcedentibus: *Chiliasmum non modo in compendio necessariorum ad salutem haud contineri; verum eundem etiam non unum catecheticum dogma aritate putamus.* Quæ tamen non tam de Chiliasmo Patrum V. E. quam de illo qui nobis hodie obtruditur, intelligenda veniunt. Nec enim adeo mitem sententiam nostri Chiliastræ obtinere poterunt, à quovis recte expendente, quam Patres illi antiqui, cum Chiliasmi, prout ille hodie transformatus est, longè alia facies sit, quam antiqui illius, id quod nec ipse D. Animadvertens ausus est negare. vid. Animadvers. §. 9. initio. unde hanc veritatem diu fuisse obsignatam toties in suis scriptis dicunt, & jam sub ultimis temporibus à se agnitam & in lucem protractam.

XLVI. Ut ergo appareat, quam plane alium fidei nostræ, inprimis quatenus res novissimas concernit, habitum induat Chiliasmus in illâ formâ, in quam nostro tempore è Veterum scoriis recoctus est à D. Animadvertente, vivis suis coloribus initio monstrum hoc opinionis erit depingendum, & per distinctas hypotheses melioris ordinis gratiâ, ex ipsis adversariorum scriptis aperte deducendum, qualem illi nobis exhibeant Chiliasmum. Libri, ex quibus illa desumentur, erunt (1) D. Animadvertentis Deducio Germanica, (2) Ejusdem Epistola de Visionibus, (3) Ejusdem Animadversio in Programma antichiliasiticum summe Venerabilis Domini Præceptoris (4) Colloquia fidei ab Uxore D. Animadvertentis in lucem edita.